

Keiserlicher Mayestat / vnser aller gnedigsten Herren / vnd des
 heiligen Reichs Cammergericht / vnser Sindici / Procuratores /
 vnd Anwalden / in vnsern Rechtlichen / vnd allen andern sachen
 vnd handlungen / die wir an gemeltem Cammergericht / in klage
 vnd Antwortswesse / bis dahero gehabt / noch / vnd hinförder ha-
 ben / gewesen seind / Demnach haben wir alle Proces / Rechtliche /
 vnd andere vbung vnd handlung / durch dieselben etc. von vnsern
 wegen / vnd auff vnsern gnugsamen befehl / bis dahero darinnen
 fůrgewendet / in der besten gebůrlichen form der Rechten / vnd nach
 lůblichem des Keiserlichen vnd Reichs Cammergerichts ge-
 brauch / ratificirt vnd bekręfftiget / Sie beide auch darauff weiter /
 vnd von neuem / zu vnsern Rechten warhafftigen gemeinen vnd
 sonderlichen Sindici / Procuratores / vnd Anwalden / an wolge-
 dachtem Keiserlichem / vnd des heiligen Reichs Cammergericht /
 bestellt vnd auffgenommen. Vnd thun das hiermit wissent-
 lich / krafft dieses vnser Brieffes / in der aller bestendigsten vnd be-
 sten forme / als wir das / nach ordnung der Rechte / vnd sonder-
 lichem gebrauche desselben Cammergerichts / zu Recht krefftig
 thun sollen vnd mőgen / vnser ganz vollkommen macht vnd ge-
 walt / in allen vnd jeglichen fur vbergebenen vnd andern / ihnen
 von vns befohlenen Sachen / vnd so sich hernacher Rechtlichen
 oder anders zutragen / wie vnd worumb die sein / vnd Namenge-
 haben mőgen / die wir alle sampt vnd besonder / vor hierinnen
 benandt (vnd zu fůrderst / den nu mehr zu Recht angehengten
 handel / so wir jetzt mit dem Hochgebornen Fůrsten / HErrn etc.
 zu thunde) eigentlich bestimmet wollen haben / Es sey in klage /
 Antwort / Gegenwehre / gegenklage / beschirmunge / entschůldi-
 gunge / vnd aller anderer form vnd weise / wie sich jedes nach sei-
 ner notdurfft / ordnung / gelegenheit / vnd wesen / erheischet vnd
 gebůret / nichts ausgenommen / vnd vns darinnen semplich vnd
 sonderlich / mit allen vnd jedern ihren fernern anhangen vnd
 vmbstenden / an viel wolgemeltem Keiserlichem / vnd des heiligen
 Reichs Cammergericht / als offte / wenn vnd wie vnd gegen ei-
 nem jeden das not / oder bequemlich ist. Vnd son-
 derlichen gegen obengenandten Herzogen N. re. oder seinen
 Gewalthabern / Anwalden / vnd Sachensfůhrern / Rechtlichen
 zuuerweisen / vnd vns zuuertreten / vnser klage / Antwort /
 Exception / Position Articul / Entschůldigung / Einrede / vnd
 andere Rechtliche Schutz / Beschirmunge / Hůlffe vnd Not-
 durfft / Můndlich vnd Schrifftlich / fůrzubringen / einzulegen /
 bestettigen vnd bekręfftigen / den Eyd fur geuerde genandt /